

018 點心 // Flyfish (04/07thk改寫)

因為阿公誠愛食點心，特別是甜--的，tsing細漢我就有食點心的慣勢，親像「khu-lí-muh」（cream），亦就是人講的「紅豆餅」、「車輪餅」，逐（ták）擺阿公欲出門進前，攏會問阮遮（tsia）的囡仔欲食khu-lí-muh--的，抑（iah）是包紅豆--的？「銅鑼燒」是阿公上愛--的，袂輸予（hōo）日本的「Doraemon」--咧。

佇我閣足細漢的時，逐工攏會有一个阿伯揀（sak）一台車來賣豆花，那賣閣那大聲喝（huah）：「豆花！豆花！」伊的聲實在是中氣十足，若佇透早來，我攏會予伊的聲叫醒。有一táu，毋知是伊真正傷（siunn）早來，抑是我真正傷（siunn）愛暈，我聽著伊的喝聲，煞ùì二樓衝--落來，嘛全款大聲共伊喝（huah）講：「你kám會使較細聲--咧？我閣咧暈呢！」這件代誌一直到tsit-má閣定定予厝--裡的人講來笑我「刺耙耙」，毋閣現此時想--起來，伊做的豆花確實好食。

我讀國校仔的時，逐工透早阿媽攏會騎oo-tóo-bái載我去學校上課，逐擺經過菜市仔，阿媽就會停落來買寡（kuá）物件予我做早頓，像一罐「金蘋果」抑是「金椰子」，閣加1包六塊賣10箍的雞卵糕。去到學校，我就佻同學那食那tshit-迺。彼雞卵糕有真濟（tsē）無全款的造型，親像手銃、龜、象，猶閣有卵，ká-ná真正的雞卵遐（hiah）大。逐斗若食著動物--的，攏會想講欲按佻位開始食較好，是龜的跂，抑是象長長的鼻，阮閣會相招提手銃piàng來piàng去，實在真心適。

等到我讀國中的時，逐工放學了後，就隨愛趕去補習，身軀洗了閣攏袂赴通食暗頓。阿媽驚我腹肚會朽（iau），攏會去廟口的冰店買一甌木瓜牛奶，有時仔佻「烘siók-pháng」，有時仔是「蔥仔餅」，予我紮去教室做點心。全款是金黃的色水，外表淡薄仔臭火焦（ta）臭火焦，食--起來是酥軟仔酥軟又閣芳貢貢，想--著閣真懷念。

點心有真濟（tsē）款，嘛差不多全世界的人攏有食點心的慣勢，若有看bàng-kah「Doraemon」--的就知，逐工『大雄』個媽媽攏愛準備點心予佻食，這是日本。英國閣愈毋免講，逐日e-晡攏固定愛啣（lim）『下午茶』，彼已經是自古以來的生活慣勢，毋但（m-nā）啣茶niâ，閣愛食「茶點」，『約克夏布丁』（「Yorkshire pudding」）就是英國誠出名e-晡茶的點心。

逐个人應該攏有陪伴家己佻記錄一段時間的一款點心，親像『乖乖』佻『蝦味先』應該是阮這代共同童年的記持（tí），啊你的是啥乜（mih）--咧？（約700字）